



ТӨВ АЙМГИЙН
ЗАСАГ ДАРГЫН ЗАХИРАМЖ

2022 оны 03 сарын 03 өдөр

Дугаар А/122

Зуунмод сум

Халдварт өвчнөөс урьдчилан
сэргийлэх вакцинжуулалтын ажлыг эхлүүлэх,
үйлчилгээний хөлс олгох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, 66 дугаар зүйлийн 66.1, Төсвийн тухай хуулийн 65 дугаар зүйлийн 65.1.1, Мал, амьтны эрүүл мэндийн тухай хуулийн 34 дүгээр зүйлийн 34.2.2, 34.2.4, Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн 34 дүгээр зүйлийн 34.1.9 дэх заалт, Монгол Улсын Засгийн газрын 225 дугаар тогтоолын 2 дугаар хавсралт, Аймгийн иргэдийн Төлөөлөгчдийн Хурлын “Төсөв батлах тухай” 2021 оны 03 дугаар тогтоолыг тус тус үндэслэн ЗАХИРАМЖЛАХ нь:

1. Мал, амьтны халдварт өвчинтэй тэмцэх, сэргийлэх ажлыг халдварт өвчний голомтын байдлыг харгалзан, графикт хугацаанд нь технологийн дагуу гүйцэтгэхэд шаардагдах вакциныг худалдан авах жагсаалтыг 1 дүгээр, Мал эмнэлгийн үйлчилгээний нэгжүүдэд олгох үйлчилгээний хөлсийг 2 дугаар хавсралтаар тус тус баталсугай.

2. Халдварт өвчнөөс урьдчилан сэргийлэхэд шаардагдах вакцин худалдан авах үнэ 132,000,000 (нэг зуун гучин хоёр сая) төгрөгийг орон нутгийн төсвөөс, мал эмнэлгийн үйлчилгээний хөлсний зардал 362,200,000 (гурван зуун жаран хоёр сая хоёр зуун мянга) төгрөгийг аймгийн орон нутгийн хөгжлийн сангаас санхүүжүүлэхийг Санхүү, төрийн сангийн хэлтэс (Ю.Бямбацогт)-т зөвшөөрсүгэй.

3. Мал эмнэлгийн газрын дарга (Б.Болдбаатар)-д ДААЛГАХ нь:

3.1. Сумдын мал, амьтныг графикт хугацаанд нь хуваарийн дагуу дархлаажуулах ажлыг мэргэжил арга зүй, заавар зөвлөмжөөр хангаж, гүйцэтгэлд хяналт тавих.

3.2. Халдварт өвчнөөс урьдчилан сэргийлэх эм био бэлдмэлийг татан авах, сумдад хүргэх, идэвхийг бууруулахгүй байх

3.3. Вакцинжуулалт хийсэн үйлчилгээний хөлс олгох материалыг санхүүгийн баримт бүрдүүлэх журмын дагуу хүлээн авч хянан, үйлчилгээний хөлсийг санхүүжүүлэх саналаа Санхүү, төрийн сангийн хэлтэст ирүүлэх.

3.4. Мал эмнэлгийн урьдчилан сэргийлэх арга хэмжээг шинжлэх ухаан, технологийн зохистой хугацаанд зааврын дагуу гүйцэтгэж байгаа эсэхэд байнгын хяналт тавьж, илэрсэн зөрчлийг арилгуулах.

3.5. Вакцинжуулалтад хариуцлагагүй хандсан, үр дүнгүй ажил үйлчилгээ үзүүлсэн сумдын удирдлага, Мал эмнэлгийн тасгийн мэргэжилтэн, мал эмнэлгийн үйлчилгээний нэгжийн захирал, малын эмч, малчдад хариуцлага тооцох.

4. Сумдын Засаг дарга нарт ДААЛГАХ нь:

4.1. Дархлаажуулалтын ажлыг графикт хугацаанд нь чанартай хийлгэх, удирдлага, зохион байгуулалт, хяналт тавих ажлын хэсгийг мал эмнэлгийн тасгийн даргаар ахлуудан

багийн Засаг дарга, мал эмнэлгийн тасгийн мэргэжилтнүүдийн бүрэлдэхүүнтэй байгуулж ажиллуулах

4.2 Мал эмнэлгийн нэгдсэн системд дархлаажуулалтын төлөвлөгөө, гүйцэтгэлийг бүртгэж, мал эмнэлгийн тасгийн байцаагч баталгаажуулснаар үр дүнг тооцох

4.3. Вакцинжуулалтын явцад байнгын хяналт тавьж, малчин өрхөд вакцинжуулалт хийж өрхийн эрүүл мэндийн дэвтэрт баталгаажуулсан байдлыг шалгаж холбогдох арга хэмжээ авах.

4.4. Халдварт болон гоц халдварт, зооноз өвчний талаар зөвлөмж, зөвлөгөөг иргэд, малчдад хүргэж, өвчний хор уршгийг таниулах, соён гэгээрүүлэх, сурталчлах ажлыг зохион байгуулах

4.5. Вакцинжуулалт хийсэн тухай мэдээ, тайлан, дүгнэлтийг журмын дагуу бүрдүүлж, санхүүгийн баримтыг графикт хугацаанд нь Мал эмнэлгийн газарт ирүүлэх


5. Захирамжийн хэрэгжилтэд хяналт тавьж ажиллахыг Хөгжлийн бодлого төлөвлөлт, хөрөнгө оруулалтын хэлтсийн дарга (Д.Саран-Эрдэнэ)-д даалгасугай.

ЗАСАГ ДАРГА



Д.МӨНХБААТАР

Аймгийн Засаг даргын 2022 оны
03 дугаар сарын 03 -ны өдрийн
А/122 тоот захирамжийн 1 -р хавсралт



ВАКЦИН ХУДАЛДАН АВАХ ХӨРӨНГӨ

№	Вакцины үнэ	Шаардагдах литр		Нэгж үнэ	Нийт үнэ
		литр	мян/тун		
1	Дуут хавдраас сэргийлэх	350.0		33,696.00	11,793,600.00
2	Цусан халдвартаас сэргийлэх	1500.0		33,807.00	50,710,500.00
3	Гахайн цусан халдварт иж балнадаас сэргийлэх	26.0		41,005.00	1,066,130.00
4	Гахайн ёломоос сэргийлэх	20.0		56,646.00	1,132,920.00
5	ДХХ-Энтеробакт.сэргийлэх	2820.0		23,811.00	67,147,020.00
	ДҮН				131,850,170.00

оОо

Аймгийн Засаг даргын 2022 оны
03 дугаар сарын 03 -ны өдрийн А/122 тоот
захирамжийн 2-р хавсралт



МАЛ, АМЬТНЫ ХАЛДВАРТ ӨВЧНӨӨС УРЬДЧИЛАН СЭРГИЙЛЭХ
АРГА ХЭМЖЭЭ, ҮЙЛЧИЛГЭЭНИЙ ХӨЛСНИЙ ТООЦОО

№	Вакцины нэр	Хамрагдах мал, амьтны тоо /мян.тол/				Олгох үйлчилгээний хөлс /мян.төг/
		Бүгд	Бод	Бог	Амьтан	
1	Дуут хавдраас сэргийлэх /2 удаа/	35,0	35,0			31,500.0
2	Цусан халдваргаас сэргийлэх /2 удаа/	100,0	100,0			90,000.0
3	Гахайн цусан халдварт иж балнадаас сэргийлэх /2 удаа/	2,0			2,0	1800,0
4	Гахайн ёломоос сэргийлэх	2,0			2,0	900,0
5	ДХХ- Энтеробакт.сэргийлэх /2 удаа/	470,0		470,0		235,000,0
	ДҮН	609,0	135,0	470,0	4,0	359,200,000.0

оОо